



Broj: 01-623-1/14
Datum: 28.02.2014. godine

UDRUŽENJE KORISNIKA KREDITA „ŠVICARAC“ BUGOJNO

Predmet: Mišljenje i prijedlozi

Poštovani,

Na sastanka predstavnika Agencije za bankarstvo Federacije BiH (u daljem tekstu: Agencija) i predstavnika Udruženja korisnika kredita „Švicarac“ Bugojno (u daljem tekstu: Udruženje) održanog 24.02.2014. godine u prostorijama Agencije dogovoreno je da Agencija izanalizira dostavljenu dokumentaciju od strane predstavnika Udruženja i da po tome da svoje mišljenje. Agencija poslije analize priložene i druge dokumentacije i ugovora o kreditima ugovorenim u CHF čije se plaćanje i naplaćivanje vrši u konvertibilnim markama iznosi slijedeće mišljenje, stavove i prijedloge.

Ni jedan pregledani i izanalizirani akt (nepravomoćne presude prvostupanjskog suda, mišljenje ombudsmena, nalazi sudskih vještaka, mišljenja eksperata, sudska praksa domaća i strana, mišljenje CBBiH), ne može biti izvršni naslov da Hypo-Alpe-Adria-Bank d.d. Mostar, (u daljem tekstu: Banka) postupi po tužbenim zahtjevima korisnika kredita, osim pravomoćne presude suda.

Cijeneći činjenicu brzog i značajnog rasta tečaja CHF i posljedice po korisnike kredita i Banku, kao i nastale sporove između korisnika kredita i Banke,

AGENCIJA JE ZAHTJEVALA OD BANKE

- Da izdvoji i održava dodatna sredstva rezervi za kreditne gubitke po ovim kreditima
- Da izdvoji i održava dodatna sredstva rezervi za sudske sporove koji se vode protiv Banke po ovom osnovu.

Sve prethodno navedeno poduzeto je u cilju smanjenja rizika u poslovanju Banke i osiguranju sredstva za isplate korisnika kredita po presudama u slučaju da Banka izgubi sporove po ovom osnovu, a što je u nadležnosti Agencije.

Banka je postupila po nalogu i Agencija redovito prati održavanje ovih rezervi.

AGENCIJA JE DALA PREPORUKE BANCIMA

zajedno sa Stalnim odborom za finansijsku stabilnost da Banka napravi program olakšica za korisnike kredita za vraćanje kredita i da na temelju tih olakšica ponudi korisnicima kredita sporazumno rješavanje nastalog problema vraćanja kredita zbog značajnog rasta CHF. Banka je napravila program (reprogram, smanjenje kamate, oprost određenog broja rata) i kao što vam je poznato, po istom je zaključivala i dalje zaključuje s korisnicima kredita sporazume o načinu nastavka izvršavanja ugovorenih obveza. (prema informacijama iz Banke do sada zaključeno preko 450 sporazuma).

U svrhu nastavka rješavanja nastalih pitanja i problema

AGENCIJA PREDLAŽE

1. da Banka još jednom analizira negativne posljedice koje je imao značajan rast kursa CHF na korisnike ovih kredita i njihove teškoće da uredno servisiraju ove obaveze i da još jednom preispita mogućnost da izradi dodatne programe i mjere vodeći računa da navedeno ne ugrozi štednju građana i depozite u Banci:

- a) Za korisnike kredita koji žele sporazumno riješiti pitanje vraćanja kredita u smislu da nastavi sa aktivnostima vezano za smanjene rata, kamata, reprograma, greis perioda, konverzije i sl. a u cilju preuzimanja dijela troškova koji su nastali zbog značajnog rasta kursa CHF.
- b) Za korisnike kredita koji žele čekati konačne presude po podnesenim tužbama u smislu dogovora o smanjenju rate do donošenja konačne presude, razmotri mogućnost nepozivanja žiranata i dr., također do donošenja konačne presude.

2. da Banka u narednih 20 dana izradi Prijedlog mjera i dostavi Udruženju radi davanja primjedbi i prijedloga i Agenciji radi ocjene rizičnosti predloženih mjera po stabilnost poslovanja Banke, prioriteto po štedne uloge i depozite Banke.

3. Da u cilju potpune transparentnosti Banka Program mjera javno objavi radi informiranja svih korisnika predmetnih kredita.

Agencija ovim putem ističe da ne želi neposredno kontaktirati s Udruženjem, odnosno njegovim predsjednikom, zbog prijetnji smrću u više navrata direktoru Agencije od strane predsjednika Udruženja, što je prijavljeno i nadležnim organima.

Ujedno dajemo informaciju da je Agencija na zahtjeve Udruženja iz akta br. 19-2/14 odgovor objavila u sredstvima javnog priopćenja dostupnim na svi prostorima BiH.

S poštovanjem,

DIREKTOR

Zlatko Barš

